

KOSOVARJA

Ballina: Dardan Krivaça

Prishtina,
metropoli
i mërgimtarëve,
i lypsarëve,
i budallenjve

Kush
po shitet
i mençur
në Kosovë

DARDI

*këngëtari me shije, që mund
të këndojë 24 orë pa pushim*

Fahrije Hoti,
gruaja
që udhëheqë
fishatin Krushë

Valentina Nikqi
ndër më të
njohurat në
Gjermani

Naser Berisha,
këngëtari
i hiteve

Burrin
e dua veç kur
nuk e shoh



ZBRITJE



1. STATUARIO CARRARA
2. TOWN SOFT GREY
3. CRYSTAL ONIX

① ~~22€~~ NË 8.90€

② ~~15€~~ NË 8.90€

③ ~~15€~~ NË 8.90€

60x
120cm

www.dinoqeramika.store



Burrin e dua veç kur nuk e shoh!

Për dekada të tëra në Kosovë ka vendosur drejtësi kanuni i Lekë Dukagjinit. Njerëzit nuk kanë pasur besim në ligjin e pushtetit, që shpesh ka vendosur kontestin në favor të të fortit.

Ju përshëndes nga zemra, Redaksi e nderuar!
Jam një zonjë nga Tirana. Vazhdimisht i lexoj përjetimet në Portalin Tuaj "Kosovarja".
Jam profesoreshë.
Kam një pyetje nga kureshtja, por edhe interesi.
Jam nënë. Jetoj me burrin. Kemi jetë të mirë relativisht, por unë kam një ndjenjë që kur e kam burrin afër e urrej, nuk e duroj dot, e kur është larg meje e dua shumë!
Pse më ndodh kjo gjë?

Lena, Tiranë

Radio,
Lajme, Moti,
Video, TV, ...

Vetëm me aplikacionin
Shkabaj për Android

ANDROID APP ON
Google play

Në ballinë: Dardi

Dardi, emër i ri në muzikë, por një zë i mrekullueshëm, i cili mund të këndojë 24 orë pa pushim, me ton të ulët, të mesëm e të lartë. Kjo është pika e fortë, e cila do i garantojë sukses në botën e muzikës.

Kënga me titull “Zemrën do ta fal” është projekti i tij i parë, që përcjellë ritëm dhe energji verore. Insistimi i shoqërisë që ia kanë dëgjuar vokalin, ka bërë që Dardi të bëhet pjesë e fushës së muzikës dhe të sjellë këngën e parë, e cila është përcjellë me komente pozitive dhe ia ka dhënë “vizën morale” për të vazhduar tutje...

Ndonëse ka studiuar gazetarinë, në zemër gjithmonë e ka pasur muzikën dhe thotë se ky është “stacioni i fundit”.



Dardi,

këngëtari me shije, që mund të këndojë 24 orë pa pushim

Dardan, nëse do të kërkohej ta përshkruaje veten, si do ta bëje?

- Jam me ambicie dhe energji. Adhuroj shëtitjet. Jam komunikativ. Në të vërtetë, shpesh është sfida ta përshkruash saktë veten, meqë këtë gjë e bëjnë më së miri të tjerët...

Atëherë, pra, si të përshkruajnë të tjerët?

- Më thonë se jam shok i mirë. Dhe, vërtet, përpiqem të jem i sinqertë në çdo raport. Më përshkruajnë si tip të hapur dhe me të cilin kalohet bukur.

Nëse kthehemi në kohë, si e mban në mend veten?

- Një djalë i ri me shumë plane, ide, vizione... Pa dyshim, kam dashur të kem gjithçka... Dhe, një pjesë të mirë të dëshirave të dikurshme po i realizoj dita-ditës.

Tash merreni me muzikë, kurse keni studiuar gazetarinë. Ç'thuhet për këtë?

- Gazetaria ka qenë një prej ambicieve të mia të mëdha. Ende jetoj për gazetari, por pa e lënë anash dëshirën dhe pasionin për muzikë, meqë më ka shoqëruar gjithmonë. Andaj, muzikën më nuk e trajtoj si hobi, por si "stacion të fundit" ku e kam gjetur veten plotësisht. Thjesht, një ëndërr imja e bërë realitet...

E, pse nuk u bë gazetaria profesion yti primar?

- Isha i zënë me misione ndërkombëtare jashtë vendit dhe kjo është arsyeja pse gazetarinë e lashë në plan të dytë. Pra, nuk isha në rrjedha... Dhe, kur s'je në rrjedha të ngjarjeve, s'je në gazetari...

The se vite me radhë ishe në shërbime ndërkombëtare jashtë Kosovës, në vende të ndryshme të botës. A mund të na flasësh për eksperiencat që ke pasur?

- Ishin përvoja të jashtëzakonshme, sepse kam njohur kultura e njerëz të ndryshëm, por edhe trende interesante, kryesuar nga ato amerikane. Dhe, mu ato përjetime, mu ato eksperiencat më kanë bërë më të pasur shpirtërisht...

Tani je në Kosovë. E ke prerë shiritin e karrierës muzikore...

- Siç thashë, muzikën e kam dashur gjithmonë. E kam pasur në shpirt qysh në vegjëli. Ishte shtytja e familjes dhe shoqërisë që të bëja diçka dhe të mos e lë pas dore pasionin për këngën.

Kush të tha për herë të parë që je për muzikë?

- Po, kush s'më tha, se?!

Projekti i parë e ka parë dritën e publikimit. E, tutje?

- Synimet për projekte të ardhshme, këngë të reja, i kam të shumta dhe do të renditen së shpejti.

Pa dyshim, më duhet ta pranoj se me krijuesin e këngës së parë, kompozitorin e njohur Andin Randobrava, ndajmë pikëpamje të përbashkëta, kam shoqëri dhe jam i kënaqur me punën që bën me mua dhe për mua...

Kënga "Zemrën do ta fal" është pritur mirë, a?

- Jo vetëm mirë, por është pritur jashtëzakonisht mirë dhe i ka tejkaluar të gjitha pritshmëritë e një projekti fillestar.

Dhe, fill pas publikimit, shumë kompozitorë më kanë kontaktuar, më kanë përgëzuar e lavdëruar dhe më kanë ofruar përkrahje e bashkëpunim. Andaj, të gjithëve u jam mirënjohës.

Në këtë kohë më shumë se çdo gjë bëhen komente. Si të komentojnë ty?

- Fatmirësisht, të gjitha komentet që më janë bërë janë pozitive. Andaj, kam marrë "vizë morale" që të eci tutje dhe sigurt me projekte të reja muzikore.

Cila është pika jote e fortë si këngëtar dhe çka të bënë të veçantë nga të tjerët?

- Potenciali i zërit dhe qëndrueshmëria për të kënduar 24 orë, është karakteristikë imja e veçantë. Tjetër, mund të këndoj me ton të ulët, të mesëm, por edhe të lartë.

A je gati për dasma e ahengje?

- Veç kam filluar të këndoj në dasma, ahengje dhe vende speciale për shokë e miq, që më duan në gëzimet e tyre.



Një bashkëpunim me...?

- Në familjen tonë muzika nuk fillon me mua.

Ende pa lindur unë, të gjitha hallat e mia kanë qenë këngëtare të Shoqërisë Kulturore-Artistike "Shkëndija", të cilat janë mirëpritur nga publiku. Vëllai, gjithashtu, është talent në muzikë. E, mbesa ime, Tuana, është talente e vërtetë.

Por, një bashkëpunim me këngëtarë me përvojë veç sa do e pasurojë karrierën time të nisur në muzikë...

A është dikush në jetën tënde sentimentale, dikush që do t'i dedikojë këngë?

- Në jetën time ka njerëz shumë të mirë, që më impulsjnë të ecë përpara, e që e vlen edhe t'u kushtohet këngë...

Për fund?

- I falënderoj të gjithë mbështetësit e mi, jo vetëm në muzikë, por edhe në jetë, sepse nuk jam njeri që kërkoj vetëm të marrë prej shoqërisë, por që në mënyrën më të ndershme mundohem më shumë të jap.

I çmoj e respektoj të gjithë ata që këndojnë në të gjitha zhanret, sepse nuk jam fare xheloz për sukseset e të tjerëve.

Por, e konsideroj veten special dhe me shije në artin muzikor, por edhe në artet e tjera.

N. Neziri



Prishtina, metropoli i mërgimtarëve, i lypsarëve, i budallenjve

Ditët e verës në Prishtinë janë monotone.

Vapa të zë frymën, qentë të ndjekin pas, lypsarët nuk të largohen nga tavolina pa u dhënë lëmshë, budallenj të zbathur bredhin poshtë e lart...

Sivjet, më shumë se asnjëherë tjetër, Prishtina ka qenë e mbushur me mërgimtarë, të cilët nëpër rrugët e ngarkuara të Prishtinës bredhin me vetura të shtrenjta, me lloj-lloj "Porsche" e "Ferarri", thuajse i kanë blerë me para që i kanë gjetur rrugëve...

Por, e vërteta është se, siç më tha im nip nga Zvicra, të rrallë janë ata mërgimtarë që kanë "Porsche" a "Ferarri" të vetin.

"Po, ku i kanë marrë, atëherë, gjithë ato vetura të shtrenjta?!", e pyes tim nip.

"Shumë e thjeshtë është kjo punë!",

ma kthen ai dhe vazhdon: "I marrin me qira për aq kohë sa qëndrojnë në Kosovë".

Eh, thashë me vete, kjo qenka e vërteta e veturave të shtrenjta... Sepse, u habita në një dasmë që u organizua në Hotelin "Venus", pranë rrugës Prishtinë-Shtime, kur pashë se oborri i hotelit i tëri ishte i mbushur me "Porsche" e "Ferarri" të të gjitha ngjyrave, kurse veturat me regjistrim të Kosovës, në mesin e të cilave ishte edhe e imja, u desh t'i parkonim rreth rrugës, para hyrjes së oborrit të hotelit.

*

Si kësaj vere asnjëherë nuk më ka rënë të pi më shumë kafe në sheshin e Prishtinës.

Sepse, të afërmit e mi mërgimtarë, e që sivjet kanë ardhur më shumë se herë të tjera, nuk pinë kafe ku pi unë në jetën e përditshme...

Ata nuk e duan periferinë...

Duan në shesh dhe pikë. Ani pse sheshi është ngulfatur nga qytetarët e saj, kryesisht pensionistët, të cilët, në mungesë të parave që të shkojnë në det a male, sillen poshtë e lart, por

edhe mërgimtarët që i zura në gojë më lart.

E, ajo që më nevrkos dhe më trishton, gjatë kohës sa njeriu pi një kafe në cilindo kafiteri në shesh të Prishtinës, lypsarët ta lënë kafënë në fyt.

Ka lypsarë fëmijë!

Ka lypsarë femra me fëmijë në krahë! Ka lypsarë femra të mbuluara me foto të ndonjë fëmije në duar!

Kryesisht, fëmijët të ulen në karrigen afër dhe nuk largohen pa u dhënë lëmshë!

Ka budallenj që bredhin poshtë e lart tërë ditën, të tillë që ecin zbathur, madje edhe atëherë kur në shesh temperatura arrin në 39 gradë celsius! Edhe qentë endacakë shëtisin nëpër grumbullin e njerëzve si të ishin në "dasmë"!

E, çfarë të mire, pra, ka sheshi i Prishtinës?!

Prishtina nuk bëhet Londër!

Sheshi i Prishtinës nuk bëhet "Piccadilly Circus" i Londrës!

Me vend dhe e mençme është thënia e popullit: "Shtrij këmbët sa e ke jorganin!"

Isa ILAZI

KU ME GJET NJË VEND KU MË QETËSOHET SHPIRTI?



Bota është plot urrejtje dhe dhunë, nga ku lind përherë urrejtja e re dhe dhuna e re, që vlon nga garat për të arritur fuqinë, pushtetin dhe sundimin mbi të tjerët. Bota ka shumë ambicie, njerëzit sulen pas parasë dhe vrapojnë pas pasurisë. Bota ka frikë nga njerëzit, e njeriu ka frikë nga njeriu. Njerëzit kanë frikë nga sëmundjet. Njerëzit kanë frikë nga vetmia. Nuk dinë të jetojnë me vetveten. Nuk kanë rahatit të brendshme. Janë të shqetësuar dhe të brengosur. Bredhin. Kanë frikë nga e panjohura. Bota është e mbushur me luftëra për prestigj. Ka shumë egoizëm. Ja, e tillë është jeta në të cilën jetojmë... E, jeta jonë rrjedhë, ecë e shqetësuar. Përditë, përnatë, shkak i takimit me të këqijtë, jemi të pakënaqur, me ankth, shpesh të lodhur, të rraskapitur, nervoz, të pashpresë. E, ku të ikim nga të gjitha këto? Në ndonjë ishull të qetë? Po, edhe aty, mbase, të shqetësojnë dallgët e dalldisura, të trazura... Ku ta gjej vendin që t'më qetësohet shpirti? Ku gjendet ai vend?

*

Kohë më parë, një grua shtatëdhjetë vjeçe ka nisur fushatën e gjetjes së një ish-it, që i kishte thënë asaj shumë vjet më parë: "Të dua!". Regina Bradley e kishte takuar njeriun misterioz në aeroportin Gatvie, në dhjetor të vitit 1988. Më vonë ata kanë caktuar një takim në një spektakël të Londrës, por ajo ishte vonuar dhe ata nuk kanë mundur të takohen. Regina, që jeton në një rajon të Uelsit, thotë se është ndërjerë atë natë e dërrmuar, zemërthyer dhe me vite jetoi me vuajtje dhe shpresë se do ta takonte një ditë... Më vonë, ajo u martua dhe lindi dy fëmijë, por kurrë nuk ka mundur ta harrojë njeriun "me flok të zezë dhe të bukur" dhe zërin që i kishte thënë: "Të dua!". Tashmë e shkurorëzuar, ajo ka shpenzuar mijëra funte për udhëtimet e saj në kërkim të tij. "Ai ishte i pari që më tha se më do dhe i pari i cili m'i tha fjalët "të dua". Dhe, me atë kujtim kam jetuar mbi dyzet vjet rresht", thotë Regina. Dhe, shumë e përqeshin për këtë gjest. Por, jo edhe ata që e dinë se ç'është dashuria, ç'kuptim kanë për shpirtin fjalët kur thuhet me zemër: "Të dua!".

Gani Dili

KOSOVARJA

magazinë e pavarur
për familje

www.kosovarja.al

Pronar dhe botues:
Gani DILI

Redaktor përgjegjës:
Isa ILAZI

Menaxher:
Driton DILI

Redaksia:
Safet Krivaça (reporter i lirë)
Nderim Neziri (redaktor)
Besiana Dili
Drenushë Haredinaj
Ardita Dili
Edona Vllasaliu - Bajoku
Xheneta Spahiu

Dizajni:
Labinot Bërbatovci

Adresa e redaksisë:
Fahu postal 18, 10000 Prishtinë
Tel: 038 51 75 75
Email: info@kosovarja-ks.com

Marketing:
Tel: +383 44 143 448;
Email: marketing@kosovarja-ks.com

Bisedë me dr. Agim Bytyqin, radiolog, humanist, veprimtar (2)

Dr. Agim Bytyqi, radiolog, humanist dhe veprimtar i çështjes kombëtare, i njohur në Ferizaj e më gjerë si humanist që i vizitonte pacientët në shtëpi, nuk ndalej as në orët policore të Serbisë t'u ofronte ndihmë të sëmurëve.



Gjithçka që kam bërë, kam bërë për popullin tim

Ai u përgjigjej kërkesave dhe thirrjeve të pacientëve në tërë rajonin e Ferizajt, duke përfshirë Shtimen, Kaçanikun, Hanin e Elezit e më gjerë. Doktorin e popullit, Agim Bytyqi, ishte lindur të mos i thoshte jo popullit të vet. Në terren e barte me vete revolen, që të mos shkonte huq nëse konfrontohej me policinë serbe. Kishte kondicion të mirë, meqë, si i ri, kishte luajtur basketboll dhe ishte i shkathët nga pikëpamja fizike. Një njeri adekuat me të gjithë tiparet

mjeko-humane dhe psiko-fizike e patriotike për të luftuar për popullin e vet, por edhe me trashëgimi patriotike të familjes përballë okupatorit serb. Ai u përball me akuzat serbe: "Nga ti një mjek kaq i zoti shqiptar?!". Por, e keqja më e madhe ishte se mjekët serbë ishin të lidhur ngushtë me organet policore dhe politike dhe kur dikush prej tyre të lavdëronte për mjek të zot, ishte rreziku i likuidimit. Serbët nuk duronin që një mjek shqiptar të kishte 100 vizita në ditë, e ata serbë 20-30.

Kështu, dr. Agim Bytyqi po shkonte majave të mjekësisë, duke qenë i aftë ta ndryshonte statistikën mjekësore të vizitave, në favor të një historie të re në Ferizaj, si vatër konflikti serbo-shqiptar, herë në vlim e herë-herë paksa në heshtje.

BETIMI PËR PUNË ME POPULL

Duke treguar për fillimet e punës si mjek i ri në Ferizaj, dr. Agim Bytyqi, thotë:

"Në fillim të punës më 1984 më sistemuan në ambulancën e dytë, që njihej si ambulanca rajonale te kisha katolike në Ferizaj.

Aty punonin disa mjekë serbe, të cilat i kishin deri në 100 pacientë në ditë. E, unë 20-30 pacientë!

U betova se do të punoj me përkushtim për popullin tim dhe do u ofroj pacientëve shërbime më të mira se mjeket serbe...

Dhe, për disa vite, konkretisht deri në vitin 1990, vite kur përgatitej segregacioni politik, ekonomik e kulturor ndaj shqiptarëve, arrita t'i kem 100 pacientë në ditë, ndërsa mjeket serbe 20-30, madje të gjitha së bashku...

Andaj, mjeket serbe filluan të ma marrin inati, duke më thënë se si ka mundësi një shqiptar të jetë mjek aq shumë i kërkuar...

Dhe, kështu, arrita të bëj emër në Ferizaj, si mjek i palodhur dhe i cili punon me përkushtimin më të madh.

E, pas vitit 1990, kur na larguan nga puna neve, mjekëve shqiptarë, filluam një projekt të imponuar nga nevojat në terren, duke i vizituar të sëmurët nëpër shtëpia.

Pra, u bëra mjek terreni, duke shkuar aty ku e lypte nevoja: në Ferizaj, Viti, Kaçanik, Gjilan, Han i Elezit, Shtime dhe në fshatra të Karadakut.

Atëbotë u bë një akomodim transporti sipas kushteve në terren dhe



kam udhëtuar me veturë, por edhe me qerre kuajsh.

Gjatë vizitave kam përjetuar momente nga më të rëndat. Kam vizituar pacientë në familjet që i kishin të gjitha kushtet për kohën, por edhe të tillë që nuk kishin asgjë...

Kam vizituar pacientë të rrahur e të mavijosur nga policia serbe, e edhe nxënës të helmuar që ka qenë një kapitull në vete, meqë ishte gjendje e rëndë dhe mori përmasa mediale ndërkombëtare.

Në një rast vizitova një aktivist të çështjes kombëtare, trupi i të cilit ishte tërësisht i mavijosur dhe kishte dhembje në tërë trupin, andaj ishte vështirë t'i gjesh një vend për injektim të reduktimit të dhimbjeve.

E, të tillë kishte shumë në ato vite... Edhe një rast që m'u ka ngulitur në kokë: Ishte ditë Bajrami. Ora 5.45 e mëngjesit të hershëm. Në Lloshkobarë të Ferizajt, një vajzë sapo ishte operuar. Sapo dola nga vizita që i bëra, me babanë e vajzës takuam tre vetë: Një plak me plis, një burrë rreth të tridhjetave dhe një djalë rreth tetë vjeç. Ua urova Bajramin.

"Çfarë Bajrami, bre?! Nuk kemi festë!", më tha plaku me plis.

Dhe, kur i tregova kush jam, plaku me plis më tha se është i detyruar të shkojë çdo ditë në stacionin e policisë, sepse ata kërkonin të dërgonim armë...

Sidoqoftë, shumë qytetarë më kanë dërguar në vende të ndryshme falas. Pra, kam pasur nderin të më bartin gjithkrah në terren. E, shpeshherë edhe ua kam blerë barërat pacientëve që ishin keq materialisht", tregon dr. Agim Bytyqi.



DJALI LUTEJ T'I VDISNIN PRINDËRIT SE JETONIN NË SKAMJE TË MADHE

Dr. Bytyqi tregon me shumë ndjesi edhe raste të tjera nga puna me pacientë në terren dhe thotë:

"Shkova në Kaçanik në një familje. Shtëpia ishte shumë e vogël. Në një kënd korridorit qëndronte i shtrirë një plak, e në këndin tjetër një plakë.

Të dy kishin dhimbje të mëdha... Ndërkaq, në dhomë qëndronin të strukur katër fëmijë dhe nëna e tyre. Djalin e kishin larguar serbët nga puna dhe nuk kishte para as për ilaçe, madje! Dukej i përhumur dhe i trishtuar. Shihej qartë se ishte në depresion...

Kur i dhashë shpresa se prindërit do të bëhen mirë, ai ma ktheu:

"Ishalla vdesin sa më parë!"

"Pse?!", i thashë.

"Po e sheh vetë si jetojmë! Me çka me u blerë barëra?! Me çka me i ushqyer?! Nuk po mund t'i shoh ka vuajnë!", më tha.

Dhe, pas atij muhabeti, shkova në barnatore, ua bleva barërat e nevojshme dhe ua dërgova në shtëpi. Por, tutje nuk di çka ka ndodhur me atë familje...

Sidoqoftë, pacientë kam vizituar në shtëpitë e tyre edhe gjatë kohës së orës policore. Më kanë ndaluar policia shumë herë. Në ato vite ishte shumë aktive organizata kriminale serbe "Dora e zezë". Nuk më kanë rrahur kurrë, por më kanë maltretuar psikikisht shumë.

1 DM PËR KONTROLL...

Më 1993 e hapa një ordinancë të vogël dhe i kontrolloja pacientët me çmim simbolik. Vetëm nga 1 DM ua merrja atyre që kishin. Në atë kohë në ordinancën time kanë ardhur pacientë të shumtë, të cilët në Ferizaj ishin refugjatë.

E, në atë kohë, sipas shënimeve që i kishim, ishin mbi 20 mijë refugjatë në Ferizaj.

Në vitet 1990-2000 aktivitetet tona mjekësore i kemi bërë në kuadër të Shoqatës së Mjekëve në Mollopolc, ku kam qenë anëtar i saj.

Në fazën e luftës 1998-1999, kam qenë mjek në Jezerc me rrethinë dhe në kuadër të Spitalit Ushtarak në Jezerc.

Kam trajtuar shumë pacientë, të cilët ishin trajtuar me qëllim gabimisht nga serbët, si një rast i një djali të ri që ishte nisur të shkonte në Spitalin e Prishtinës, e të cilin e kishin ndaluar policia në Llapnasellë, ku edhe e kishin rrahur brutalisht.

Dhe, pas shkuarjes në spital e kishin diagnostifikuar me ndezje truri, kurse kur e kontrollova, pashë se ai kishte probleme me zorrën qorre.

E kam trajtuar edhe një djalë të ri, që ishte i prerë në qafë nga serbët. Ai shpëtoi nga vdekja dhe tash është në Kanada. Më viziton sa herë që vjen në Kosovë.

Sidoqoftë, për fund, mund të them lirisht se ajo që më bën të lumtur është se populli ynë është më solidari dhe më uniku në botë.

E, kjo më bën krenar...

(Fund)

Safet Krivaça



Në luftë me mbijetesën...

Fahrije Hoti, gruaja që udhëheqë fshatin Krushë

Fahrije Hoti është njëra nga gratë e fshatit Krushë të Rahovecit, e cila gjatë luftës ka pësuar nga forcat policore dhe ushtarake serbe. Asaj i është vrarë burri dhe ende nuk dihet fati i tij. Emri i burrit të saj ekziston në listën e personave të zhdukur. Gjatë luftës në Krushë janë vrarë 241 persona, 64 janë të zhdukur.

Fahrije Hoti është njëra nga gratë, burri i së cilës është marrë me forcë nga forcat policore dhe ushtarake serbe. Por, edhe pse kanë kaluar 24 vjet, ende nuk dihet për fatin e tij. Bashkimi, burri i saj, nuk është viktimë civile, siç thuhet në statusin e viktimave të luftës.

Pse viktimë civile, kur dihet se ai dhe të tjerët nuk kanë pasur armatim me u mbrojt?

Sidoqoftë, pas lufte ajo dhe gratë e tjera të Krushës, në luftë për mbijetesë, janë marrë, kryesisht, me punë



bujqësore.

Fahrija që më e angazhuara në këtë drejtim dhe formoi Kooperativën bujqësore "Krusha", të cilën e udhëheqë me sukses.

Fahrija e ka nisur punën në formimin e kooperativës në vitin 2005, me një

grup të grave.

Biznesi i saj, që të mbijetojë ajo dhe gratë e tjera të Krushës, merret me përpunimin e turshive dhe të ajvarit dhe shitjen e tyre.

Dhe, tash janë mbi 50 gra në kooperativë dhe mbi 100 fermerë, me të cilët kanë marrëveshje për t'ia marrë produktet, të cilat i shesin për tregun vendor dhe ndërkombëtar.

Fillimi ka qenë shumë i vështirë, por kanë arritur të organizohen dhe të kenë suksese, sa deputetja nga radhët e Lidhjes Demokratike të Kosovës, Valentina Bunjaku, në një vizitë që u bëri grave të Krushës, çmoi punën e tyre, madje i quajti heroina.

Fahrije Hoti është shpallur "Evropiana e vitit 2022". Ajo ka theksuar se ka pasur mbështetje nga institucionet qendrore dhe lokale, por jo edhe të mjaftueshme.





BREZOVICA
HOTEL & SPA



**DHOMË
STANDARDE
ME MËNGJES**

**AQUARIUS
SPA CENTER**



REZERVO TANI!

+383 49 30 10 30

STAY ONCE,
CARRY MEMORIES FOREVER



Anketa jonë...

A më shumë partnerë kanë femrat a meshkujt?

Vajzat janë ato që kanë më shumë partnerë, por i fshehin lidhjet e tyre... Pse?

Anketa e bërë me të rinj një mbrëmje në njërin nga kafiteritë e Prishtinës, tregon se vajzat janë ato që kanë më shumë partnerë, por i fshehin lidhjet e tyre...

E, pse e bëjnë këtë?

Përndryshe, meshkujt për lidhjet e tyre flasin me ëndje, krenari, thonë të anketuarit.

Pra, kush, në të vërtetë, ka më shumë partnerë?

Linda, floktare në sallon ondulimi:
SECILI SOT TË TRADHTON!

- Nuk pajtohem me ata që thonë se femrat kanë më shumë partnerë, sepse të rralla janë ato femra që kanë dëshirë të kenë shumë lidhje.

Lidhjet e femrave vijnë, kryesisht, si pasojë

e tradhtive që atyre u bëhen nga meshkujt.

Andaj, nuk ka si të të mos bëhen shumë meshkuj, sepse me secilin që krijon lidhje të tradhton?!

Dhe, kjo, fatkeqësisht, po u shkon për dore...

Ndërkaq, krejt ndryshe ndodh me meshkujt, sepse këtë lloj jete edhe e duan...

Besi, kamerier:
TË RRALLË JANË ATA MESHKUJ QË E QOJNË FEMRËN ME FORCË NË SHTRAT

- Nuk janë gjithmonë femrat ato që janë viktimë e meshkujve. Mbase, shumë sosh edhe vetë kanë dëshirë të ndodhë një gjë

e tillë. E, të rrallë janë ata meshkuj që me forcë e qojnë femrën në shtrat.

Të tillët nuk e dashurojnë partneren, por e shfrytëzojnë si limonin kur e shtrydhim që t'ia marrim lëngun...

Donjeta, juriste në administratë:
MESHKUJVE E KALUARA E PARTNERES U PENGON VETËM KUR DUAN TË MARTOHEN!

- Meshkujt e sodit shiten të moderuar sa s'ta merr mendja! Për ta s'ka rëndësi a ke pasur mashkull para tij a jo...

Por, kur duan të martohen me partneren, tek atëherë i pengon e kaluara e partneres së tyre! Duan që ajo të jetë e virgjër!

Dromca jete...

Madje, një të tillë që kurrë nuk ka dalë me mashkull!
E, sa femra ai i ka pasur para martesë, kjo për të tillët s'ka rëndësi!

Miloti, arsimtar,

Fushë-Kosovë:

FEMRA ME TË CILËN JAM MARTUAR MË ËSHTË OFRUAR VETË!

Mua, femra me të cilën jam i martuar më është ofruar vetë dhe ka kërkuar të pinim kafe bashkë.

Thënë të drejtën, mendova mos është e përdalë!

Por, pas disa takimeve pashë se ajo ishte serioze, e pjekur.

Tamam për të krijuar familje me të...

Dhe, pas një viti të asaj "kafesë se parë" u fejuam e dy muaj më pas edhe u martuam.

Thënë shkurt: Betohe në kokën e saj!

Dituria, ekonomiste

në administratë:

MESHKUJT QË TË VARDISEN EDHE TË BRAKTISIN!

- Mua nuk më kanë bërë përshtypje asnjëherë meshkujt që më janë vardisur. Sepse, e kam ditur se ata qysh të vardisen edhe të braktisin!

Vitin e kaluar pata ofertë për martesë nga një mashkull që shitej kinse "ja kush jam unë".

Por, ia bëra "mat" dhe u largova prej tij.

Erëmira,

motër medicinale:

ISHA E MARTUAR DY VJET, BURRI MË BRAK- TISI!

- Kam pas menduar se virgjërinë duhet dhënë vetëm atij me të cilin martohesh, por e kisha pasur gabim.

Sepse, edhe pse isha e martuar dy vjet, im burrë më braktisi për një tjetër!

Andaj, virgjërinë që e ruajta për të e mori pasi...

SI TA PËRMBYLLË KËTË ANKETË?

Nga të anketuarit shihet se meshkujt janë ata që shkaktojnë "tërmete" në lidhjet e tyre.

E, femrat, me pak përjashtime, janë viktima të meshkujve të pasjellshëm, të pandërgjegjshëm...

Diturie Haxhaj



Gruaja që i habiti njerëzit në spitalin e Prishtinës

Kështu sikur ecte ajo para meje, para shumë vitesh, tek qëndroja në oborrin e Spitalëve të Prishtinës, një grua zbathur vraponte nga klinika e pediatriisë drejt daljes nga oborri i spitalëve.

Nuk fliste e as bërtiste, por e pak-rehur dhe e shturur nga pamja e jashtme, vraponte sikur e ndiqte kush.

Mundohesha ta perceptoja vrapimin e saj. Dhe, dy gjëra më erdhën në mendje:

E para, ishte e krisur;

E dyta, e ndiqte kush!

Por, më habiti fakti se kur arriti te

porta dalëse e spitalëve, u kthye përsëri rrugës kah kishte shkuar... Dhe, disa herë i ra të njëjtës rrugë... Në çast e rrokën për krih dy njerëz me uniformë roje dhe e kthyen në klinikë.

E, njerëzit kureshtarë iu afruan njerit nga rojtarët që e kthyen gruan në klinikë dhe e pyetën se çka po ndodhte me të...

Ai tha se zonjës i kishte vdekur djali. Dhe, ajo, duke mos e besuar vdekjen e të birit, si dhe duke mos u përm-bajtur nga dhembja, dilte të porta për të parë nëse i vinte djali...

S.



Nëna në luftë...

Ishte data 16 prill 1999, kur ushtria serbe pozicionoi tanke dhe topa përballë lagjes sonë.

Me t'u vendosur aty, ata mund të shtinin me armë artilerie drejt shtëpive tona, meqë edhe ashtu i kishin drejtuar kah ne.

Të ardhur në befasi, e zunë popullatën e lagjes në fshat të papërgatitur për t'iu shmangur tytave.

Një tank drejtoi tytën kah shtëpia jonë dhe prisnim ta lëshonte një breshëri predhash në grupin e madh

të grave e fëmijëve që braktisnin lagjen, duke ikur në drejtim të arave kah zabeli. Dhe, derisa të gjithë shkolinin në drejtim të zabelit, një grua ecte në të kundërtën. Ecte drejt lagjes. Asaj i ishte përvjedhur djali në turmë dhe e kërkonte me ngulm. Dhe, një breshëri plumbash u dëgjuan. Nuk besoj ta kenë shkrepur drejt saj, se, me siguri, do të kishte mbetur e vdekur, por mbase për ta frikësuar që të ikte edhe ajo...

S. M.

Pse është i veçantë Mushtishti i Suharekës?

Mushtishti i Suharekës, i cili dita-ditës i ngjanë një qyteze të bukur rrëzë maleve të Sharrit, në Kosovë më shumë njihet se fshati i këngëtareve nacionaliste.

Sepse, Mushtishti, si rrallë ndonjë fshat në Kosovë, njihet për shumë këngëtare të njohura që kanë pasur sukses në skenën e artit muzikor.

Në Mushtisht thonë se këngëtaret e këtij fshati kanë krijuar çdo herë ambient nationalist për të mirën e kombit dhe kjo i kishte çmendur serbët lokalë dhe më gjerë.

Nga zëri i tyre janë tmerruar serbët, sepse ato, vërtet, këndonin me ndjenja këngën patriotike.

E, kujt nuk i kujtohet Shoqëria Kulturo-Artistike "Afërdita" e Mushtishtit e viteve 80?

Kujt nuk i kujtohen Shkurte Fejza e Shyhrete Behluli kur filluan me këngët e para në skenë në vitin 1974?



Shkurte Fejza



Shyhrete Behluli

Hoxha më tha:

Një dreq i madh ka hy në trupin tënd!

Isha e sëmurë dhe shkova te hoxha, e ai më tha se kam xhin në trup. Por, nuk guxova t'i tregoja të fejuarit as që kam qenë te hoxha e as çka më tha ai, sepse frikësohesha se do më braktisë...

Jam vajzë e fejuar, 22 vjeçe. Në pranverën që shkoi u fejova dhe nga gëzimi më bëhej sikur fluturoja nëpër qiell, sepse u fejova me djalin që e doja me shpirt, me ndjenja...

TRUPIN DHE MENDJEN TIME E URDHËRONTE DIKUSH TJETËR!

Por, ajo lumturi nuk më zgjati shumë, meqë një ditë prej ditësh nuk ndihesha mirë, ndjeja se trupin dhe mendjen time po e urdhëronte dikush tjetër...

Po ashtu, nisa të mendoja keq për të afërmit, jo se doja, por më vinin në kokë mendime të këqija, që nuk mund t'i largoja...

Dhe, nga mendimet e këqija që më vinin në kokë, nisa të dobësohesha. Në gjoksin tim ndjeja një nxehtësi që nuk dija nga vinte.

Por, kisha turp t'u tregoja familjarëve se çka po ndodhte me mua...

Andaj, çdo ditë e më shumë mërzhitesha, sepse po t'u tregoja familjarëve do mendonin se kam luajtur mendsh...

Sidoqoftë, vendosa hallin tim ta bëj dert me babanë dhe motrën time...

Dhe, të nesërmen më dërguan te një hoxhë në një fshat paksa të largët të Podujevës.

Kur shkuaam të hoxha, kishte njerëz që prisnin në rend për të hyrë në odën e hoxhës.

E, kur na erdhi radha të hynim brenda, babai hyri i pari, motra e dyta, kurse unë pas tyre.

"Për cilin keni ardhur?", pyeti hoxha kur na pa tre vetë që hymë në odën e tij.

"Për këtë vajzë!", i tha babai, teksa drejtoi dorën kah unë.

Hoxha u tha babait e motrës të dilnin jashtë, kurse unë të mbetëm në odë.

Dhe, kur ia tregova pikë e për pe hallin tim, ai ma mori dorën e djathtë, ma shikoi gjatë shuplakën, ma shtrëngoi dy herë me dorën e tij dhe më tha: "Një dreq i madh ka hy në trupin tënd!"

Në çast një frikë edhe më e madhe ma përshkoi trupin, gjë të cilën e vërejti hoxha dhe fill më tha: "Mos ke frikë, unë kam me të shëruar. Rri pa gajle..."

Dhe, pas këtyre fjalëve, më tha thirri babanë dhe motrën le të hyjnë brenda...

E, kur u thashë se po i thërret hoxha, ata u gëzuan, sepse të dy ishin struktur si dy zogj

të frikësuar.

Hoxha ua tha atyre të njëjtat fjalë që m'i tha mua. U tha se do ma shkruaj një hajmali, të cilën do e baj me vete tri javë, e pas tri javësh të shkoja edhe një herë te ai, që ta shihte gjendjen time nëse kam ndryshuar sadopak.

SI NDRYSHOI JETA IME BRENDA NJË JAVE?

Por, pas një jave veç hetova se gjendja ime shpirtërore nisi të qetësohej dhe për këtë e njoftova babanë dhe motrën, të cilët u gëzuan pa masë...

E, se kam pasur probleme me vetveten, se jam ballafaquar me mendime të këqija, se kam qenë te hoxha, asnjë fjalë nuk ia kam thënë të fejuarit.

Jo se turpërohesha, por nuk doja ta nevrkosja, nuk doja ta bëja merak...

Mirëpo, as ato ditë e as sot mendoj se nuk kam vepruar mirë, por kisha frikë se, ndoshta, i fejuari im do reagonte keq dhe do më braktiste...

Sidoqoftë, tash ndihem më mirë, më e qetë dhe kah fundi i shtatorit, dhëntë Zoti, do martohemi.

Kadirja, Prishtinë

Pse herë qanë e herë qeshë Melaqja kur merr shpirtra?

Po e lexoja interpretesin më të mirë të ëndrrave, psiko-analistin Sigmund Frojd, kur kuptova se mund të isha unë njeriu më i përafërt i realitetit të interpretuesit të ëndrrave nga librat e tij, për një pjesë jete të njeriut që bëhet kryesisht natën.

Por, nata nuk është vetëm ngjyrë fizike e pamjes dritë-errësirë, sepse errësira është gjysma e jetës së njeriut, që e kalon atë si një gjysmë i vdekur, sepse populli thotë: "gjumi është gjysmë deke"! Shihja ëndërr ujë të turbullt. E, në atë ujë shihja njerëz që drejtonin gishtin kah Albin Kurti dhe disa njerëz që i shkojnë pas... Mund të ishte diçka e keqe, sepse kohëve të fundit skandalet e njerëzve të qeverisë dhe të disa emrave të njohur të VV-së po dalin në sipërfaqe, si asamblisti i Prishtinës, Mujeci, që u kap me drogë në Shqipëri. Madje, drogë me pamje çokollate, e ardhur nga Serbia...

Në anën tjetër, u burgosën zyrtarë të Ministrisë, të cilët kanë keqpërdorë rezervat e shtetit...

E, u burgos edhe furrxhiu Ridvan Muharemi.

Por, ata që janë në krye të shtetit i mbrojnë, duke i akuzuar kritikuesit dhe duke e mbrojtur hapur krimin.

KUR QANË E QESHË MELAQJA QË MERR SHPIRTRA...

Sipas një tregimi fetar, Zoti paska urdhëruar Melaqen e marrjes së shpirtave të shkojë në shkretëtirë për t'ia marrë shpirtin një nëne të re.

Melaqja, sipas urdhrit, shkon në vendin ku jetonte nëna e re dhe, kur pa se në shkretëtirë jetonte fillikët vetëm me foshnje, nisi të qajë, sepse duhej ta zbatonte urdhrin e Zotit...

Duhej të merrte shpirtin e asaj nëne...

Dhe, një foshnjë duhej ta linte në mes të shkretëtirës...

Por, meqë ndryshe nuk mund të vepronte, ia merr shpirtin nënës së re dhe largohet nga vendi, që të mos shihe se çka do të ndodhte me foshnjën e saj...

U ndie keq dhe i tha vetes se kurrë nuk ishte ndier më rëndë kur kishte marrë shpirtin e kujt do qoftë.

Andaj, iu bë pikë në zemër për atë akt të rëndë.

Por, e kishte zbatuar urdhrin e Zotit...

E, pas 80 vjetësh, Zoti e urdhëroi po atë Melaqe që t'ia merrte shpirtin një plaku, i cili kafshatën e bukës e siguronte nga puna në një oazë gjelbërimiti në një vend në mes të shkretëtirës.

Dhe, pasi e kërkoi, e gjeti te farkëtari. Plaku i thoshte farkëtarit që shatit të tij t'ia bënte një bisht të fortë, në mënyrë që t'i shërbente sa më gjatë.

Farkëtari i thotë:

"Po ta bëj një bisht të fortë që nuk do thyhet nja dhjetë vjet!"

"Mirë. Të tillë dua!", ia ktheu plaku, i gëzuar që, më në fund, bëri zgjidhje afatgjate për shatin, me të cilin punonte tokën.

E, teksa zhvillohej ky muhabet, Melaqja qeshte në vetvete, duke i thënë vetes se plaku nuk po e di që edhe pak sekonda do ta dorëzojë shpirtin te Zoti...

Dhe, ashtu ndodhi... Ia mori shpirtin plakut...

Por, në të njëjtën kohë, Zoti desh i shërojë Melaqen e lënduar, që dikur ia pat marrë shpirtin nënës së re në shkretëtirë.

I tha:

"Ti dikur qaje kur i more shpirtin një nëne të re në shkretëtirë... E, ai që tani ia mori shpirtin ishte fëmija i asaj nëne, që të dhimbsej se i mbeti foshnja në shkretëtirë..."

Dhe, kur njeriu i mendon këto gjëra, nuk ka si të mos pyet:

A duhet, me të vërtetë, ta shohin veten, apo të fluturojnë nëpër hava, siç edhe janë duke fluturuar, disa njerëz që janë në pushtet dhe e mendojnë veten të parëzueshëm?!

Sepse, teksa i dëgjoje kah flisnin, si, bie fjala, Tejeci i VV-së që u kapë "me pelë për dore" me drogë në Tiranë, ka elemente që të jep të kuptosh se nuk janë në rregull, nuk janë në vete...

Selim Rama



Sa profesione i ka këngëtari Asim Gashi?

Këngëtari Asim Gashi, i rritur në një familje muzikantësh, këndon muzikë tradicionale, të vërtetë shqiptare.

Asim Gashi spikat, veçanërisht, me baladat aty ku shfaqet realisht talenti dhe shpirti i një artisti. Ai ka mundur

t'i përshtatë më së miri ato këngë, duke ruajtur me fanatizëm origjinalitetin e tyre, si kënga "Po i bjen era retë e zeza", "Hajredin Pasha", "Vijnë Vaporat", "Mora fjalë" etj.

Asimi jeton dhe ushtron aktivitetin e tij në Prishtinë. Muzikën e ka profesion, jo hobi.

E ka kryer shkollën e ulët të muzikës, shkollën e mesme në profesionin (instrumentin) perkusion dhe studimet e larta në Akademinë e Arteve në Shkup, Drejtimi Percusione (instrumentet me të goditura).

Është pjesë e trupës së Forcës së

Sigurisë së Kosovës, konkretisht e ushtrisë, por edhe pjesë e Filarmonisë së Kosovës.

Ajo që e dallon nga estrada e Kosovës dhe e bën të veçantë, e që nuk e mohon, është se në muzikë është profesionist, e nuk e ka hobi si shumë të tjerë.

Numri i këngëve të tij është i madh dhe as që përthekohen me një shkrim...

Të veçantë e bëjnë edhe potpuritë me këngëtaren Leonora Jakupi, potpuri kryesisht me rastin e festave të Vitit të Ri. Por, jo vetëm këto...

Disa të dhëna për biografinë time...

Pse kam vendosur të emërtohem këshilltare e psikologjisë?



Quhem Shkendije Berisha - Pacolli, 47-vjeçare, bashkëshorte dhe nënë e dy vajzave.

Jetoj gati qe 30 vjet në diasporë, përkatësisht në Sllovaki dhe Gjermani.

Të tjerët thonë se jeta ime nuk ishte aq e lehtë, disa do të thoshin se fati ishte në anën time, ndërsa unë, personalisht, jam falënderuese për çdo njohuri në jetën time dhe, posaçërisht, për shpëtimin nga rrota e Hamsterit, duke braktisur rolin e viktimës, të cilin deri diku e kisha krijuar vetë me përgjegjësinë time.

Ne, gratë shqiptare, përpos që jemi vajza të dikujt, bashkëshorte dhe nëna, me kalimin e kohës harrojmë se pos këtyre roleve jemi edhe individë që bartim përgjegjësi për zërin tonë të brendshëm, i cili bën jehonë vetëm jashtë zonës sonë të rehatisë.

Edhe pse inteligjenca tregon potencial, qëllimi, në të vërtetë, bën ndryshimin. Ne neglizhojmë fuqinë dhe potencialin që kemi brenda, aftësi e cila vetëm pret të vetëdijeshemi, duke u larguar nga foleja jonë që, ndoshta, edhe na miraton fluturimin. Mirëpo, për të shpalosur potencialin dhe thesarin që kemi, secila nga ne duhet të kemi guxim dhe të besojmë në vizionin tonë.

Ideja apo kërkesa profesionale që t'i vazhdoj studimet në fushën e psikologjisë pozitive, më erdhi pas punës sime 10-vjeçare në një repart onkologjik, ku trajtoheshin pacientë, të cilët gjendeshin në ditët e fundit të jetës së tyre.

E, si mjekësia, po ashtu, edhe psikologjia, kishin përfunduar punën (përgjegjësinë e tyre).

Është e çuditshme se tendenca njerëzore

anon nga ajo se ne, zakonisht, i vlerësojmë gjërat e bukura kur bëhen të kaluara. Njëjtë është edhe me jetën tonë, që e kemi dhuratë të paketuar me përsosmëri, por që nuk e hapim kurrë krejtësisht deri në fund, duke mashtruar veten me shpresën se një ditë do ta shijoj jetën dhe do të jem i lumtur pasi t'i kem përfunduar të gjitha obligimet. Dhe, kur të pensionohem do ta paguaj kredinë, do t'i rehatoj fëmijët, do ta ndërtoj edhe një shtëpi në bregdet...

E, lista do të... nuk mbaron kurrë! Fatkeqësisht, dinamizmi i jetës na bënë të harrojmë se ne të gjithë jemi të përkohshëm dhe si çdo gjë tjetër në këtë botë me një datë skadimi.

Të qenit pishman ishte leksioni që mësova në atë periudhë që e them me plot vetëdije se ishte periudha më e mirë në jetën time, ku kam takuar dhe kam shërbyer për njerëzit më të sinqertë ndonjëherë. Ishin ata njerëz që kishin arritur gjithçka në jetën e tyre. Njerëz që në vazhdimësi referoheshin se sa e bukur paska qenë jeta. Se ata ishin të begatuar me të gjitha të mirat për të qenë të lumtur.

Por, që nuk kanë qenë në dijeni, sepse kanë qenë në kërkim dhe në pritje për diçka më të mirë (sikurse edhe ne sot)! Pleqtë përpara deklaroronin "Rrno për me tregu", përndryshe nuk ka kuptim asnjë pendim dhe asnjë leksion apo çfarëdo niveli i shkollimit në qoftë se nuk e përdorim në shërbim të tjetrit.

Dhe, falë këtij leksioni jetësor nga përvojat dhe pendimet e qindra njerëzve prej të cilëve kam mësuar shumë, kam gjetur pasionin dhe misionin tim në profesionin si këshilltare e psikologjisë pozitive.



Kjo disiplinë specifike në fushën e psikologjisë, edhe pse ende e re në ligjërimet filozofike dhe ato fetare, ekziston dhe praktikohet me mijëra vite.

Sigurisht, neve, të gjithëve, na kujtohen fjalët nga gjyshet/gjyshërit tanë "Bon mirë se gjen mirë!" ose "Çka mbjellë-korrë!"; e shumë e shumë të tjera.

Në Perëndim marrja e këshillimit psikologjik ka treguar rezultate të mira në parandalimin e shumë çrregullimeve emocionale dhe mentale, duke shpëtuar, njëkohësisht, edhe vizitën te psikiatri. Kjo më ka zgjuar kureshtjen dhe dëshirën të praktikoj në këtë fushë, që është shumë dobiprurëse për një jetë të shëndoshë dhe të vlefshme për t'u jetuar si në mirëqenien individuale, po ashtu, edhe në atë profesionale dhe shoqërore.

Secili prej nesh përballlet me sfida dhe janë reagimet tona, të cilat i japin kuptim të tërës.

Harmonia ndërmjet "jetës dhe problemeve" është art për t'u zotëruar. Dhe, nga ajo që kam mësuar nga pishmanët ndër vite është se ajo që na ndalon apo pengon për të qenë të lumtur është vetëm në kokën tonë.

E, mënyra e vetme për të qenë i lumtur është perceptimi mbi jetën dhe të mirat e saj.

Ndalo pak e mendo sa të mira ke në jetën tënde, kur reflekton mbi shëndetin e plotë, fëmijët e shëndoshë, gjirin familjar të ngrohtë etj...

Dhe, kur nuk fokusohesh vetëm në gjëra negative (që i ka secili), atëherë as që do të kesh nevojë për konsulta te unë!

**PRAXIS FÜR
PSYCHOLOGISCHE
BERATUNG**
Shkendije Berisha Pacolli

+49 152 33 63 07 73

info@pacolli-praxis.de
www.pacolli-praxis.de

Boschring 6
56422 Wirges

BOOM

Valentina Nikqi

*profesioniste
e klasit të parë
në fushën e bukurisë*

*Vera 2023
ua fryu xhepat
këngëtarëve tanë*

*Naser Berisha
me hite
që nga vitet 90*

Valentina Nikqi,

profesioniste e klasit të parë në fushën e bukurisë, ndër më të njohurat në Gjermani

Valentina Nikqi njihet për punën e saj të shkëlqyeshme në fushën e bukurisë dhe estetikës. Ka punuar shumë që të profesionalizohet dhe të jetë profesioniste e klasit të parë.

E lindur në Skenderaj, por që prej vitit 1998 jeton dhe vepron në Hameln afër Hanoverit të Gjermanisë, ku edhe u aftësua në disa linja të bukurisë dhe estetikës.

Valentina e ka salonin e saj "Beauty Salon Luna" dhe akademinë "Luna Cosmetic Academy", ku aftëson profesionalisht studente në drejtime të ndryshme. Ka kliente nga e gjithë Gjermania dhe është ndër më të kërkuarat si Make-up artiste.





Valentinë, suksemi yt në fushën e bukurisë është i njohur, por si nisi gjithçka?

- Kisha pasion, dëshirë dhe, normalisht, talent për këtë profesion. E gjitha nisi me vullnetin tim të madh për punë dhe dashurinë për fushën e bukurisë.

E nisa me hapa të vegjël, duke hapur, fillimisht, një lokal të vogël. Por, nuk u ndala me aq, e që tani kam sallonin tim më të madh që ndodhet në qendër të qytetit Hamelen.

Pse salloni yt quhet "Beauty Salon Luna"?

- E kam quajtur në emër të vajzës sime, Lunës.

E, hëna nuk është vetëm e bukur, por jep edhe dritë e shkëlqim.

Ku gjendet salloni dhe çfarë shërbimesh ofron?

- "Beauty Salon Luna" gjendet në qytetin Hameln dhe ofrojmë një mori shërbimesh profesionale nga fusha e estetikës dhe bukurisë, si make-up, hairstyle, microblading, microneedling, laser, lashes, plasma pen dhe, gjithashtu, mbaj workshopë për të gjitha këto shërbime që ofroj.

Ku je aftësuar profesionalisht për të gjitha këto shërbime?

- Kam punuar gjatë në avancimin tim profesional, duke u shkolluar në shkollën e kozmetikës në Hanover, por edhe te Branco Babic – Phibrows. Pastaj, kam vijuar me trajnime te Dafina Neziri, Artan Kalisi, "Shr Germany", si dhe kam

marrë pjesë në masterclass të ndryshëm.

Pra, një rrugë e gjatë dhe e pandalshme...

Sa me pasion e bënë punën tënde?

- Si në ditën e parë kur e kam nisur. Unë e dashuroj profesionin tim, andaj e bëj me pasion dhe dëshirë të madhe.

Kush ose çka të motivon për të vazhduar tutje, për të mos u ndalur?

- Janë klientet që ndahen të kënaqura me punën time. Kjo është një shtytje dhe motiv për të vazhduar me dëshirë.

Por, janë edhe studentet kur vijnë me kënaqësi te unë për të mësuar dhe për t'u profesionalizuar në fushën e bukurisë.

Ju punoni me femra. Sa kanë teke e kërkesa që realizohen vështirë?

- Disa kanë teke, andaj mendohem t'u shkoj për pe e t'ua realizoj dëshirat.

Për mua e rëndësishme është që të dalin nga salloni të buzëqeshura dhe qind për qind të kënaqura.

Cili është specialiteti juaj në profesion ose çka punoni më me dëshirë?

- Thënë të drejtën, më duket sikur në të gjitha drejtimet e jap maksimumin dhe përpiqem për më të mirën.

Punoj me shumë dëshirë kur jam e ftuar si make-up artiste në sesione fotografike ose në evenimente

speciale, pastaj në microblading, por edhe në workshopë jap maksimumin.

Dukeni bukur. A ka femra që vijnë në sallon dhe duan të duken si ju?

- Po, ka pasur raste. Ne, në "Beauty Salon Luna", punojmë me produkte të veçanta dhe efektive. Normalisht, edhe unë i bëj rregullisht trajtimet e fytyrës, si microneedling dhe aquafacial.

Kur punon në një sallon bukurie, duhet me qenë imazh, të paraqesësh shembull mirëmbajtjeje...

A ke menduar të bësh diçka në Kosovë?

- Thonë: Kurrë mos thuaj kurrë! Ndoshta në të ardhmen...

Cila është jeta jote private?

- Jam nënë e bekuar e tre fëmijëve, bashkëshorte e lumtur, pasi kam kujdes dhe mbështetje.

Familjen e kam afër gjithmonë dhe kohën e lirë ia kushtoj plotësisht familjes.

Pasion imi është udhëtimi, andaj shëtis shpesh në shtete të ndryshme.

Kujt do t'i falënderohesh për sukseset që gëzon?

- Bashkëshortit, familjes dhe klienteve për besimin.

Për fund?

- Besoni në vete, mos u dorëzoni kurrë dhe lëreni që puna të flasë vetë!

Nderim Neziri



Vera 2023 ua fryu xhepat këngëtarëve tanë

Sezonit të sivjetmë veror po i vije fundi. Për shumë këngëtarë ky sezon ishte tejet i ngarkuar. Në listën e këngëtarëve më të kërkuar ishin: Ledri Vula, Elvana Gjata, Dafina Zeqiri, Butrint Imeri, Capital T, Mozzik, Getinjo, Luiz Ejlli, Ylli Limani, Melinda Ademi.



LEDRI VULA

Ledri prinë në listën e këngëtarëve më të kërkuar dhe më të paguar viteve të fundit. Sezioni i sivjetmë filloi shumë herët për këngëtarin, i cili ka pak kohë për pushim.

ELVANA GJATA

Në të gjitha trojet shqipfolëse, Elvana Gjata ishte një nga këngëtarët që mbushi klubet e natës...



BUTRINT IMERI

Vajzat në të gjitha qytetet, me pa durim, pritën performancën e Butrint Imerit. Ai, me zërin e tij, bëri për vete mijëra vajza në të gjitha vendet.



DAFINA ZEQIRI

Për Dafinën vera e sivjetme ishte tejet e ngarkuar me koncerte nga qyteti në qytetet dhe nga shteti në shtet. Por, nuk e la pa u komentuar as jeta e saj private, e që u bë shumë virale.



MOZZIK DHE GETINJO

Të dy vëllezërit ndezën atmosferën kudo që performuan. Numër i madh i adhuruesve të tyre u qëndruan besnikë.




CAPITAL T

Edhe vera e sivjetme për Capital T ishte mjaft intensive. Mbrëmjet ishin të shumta, e atmosfera ku performoi arriti kulmin.

LUIZ EJLLI

Edhe për Luizin vera e sivjetme ishte e ngarkuar me mbrëmje muzikore. Jo vetëm në Kosovë e Shqipëri, Luizi ishte edhe në Amerikë, si një nga këngëtarët më të kërkuar shqiptarë.



MELINDA ADEMI

Melinda u komentua shumë këtë sezon veror. Zëri, në bashkëpunim me lëvizjet skenike, pa dyshim, i dhanë flakë kësaj vere.



YLLI LIMANI

Ylli, jo vetëm në koncerte, ishte i pranishëm edhe në dasma të shumta. Baladat dhe këngët e Yllit dhuruan emocione të forta kudo ku ishte...

Edona Vilasaliu-Bajoku



Naser Berisha me hite që nga vitet 90

Naser Berisha, nga Gjilani, i njohur si këngëtari i hiteve "Do të doja", "A më kujton" dhe i shumë këngëve të tjera, për revistën tonë jep të dhëna interesante nga karriera e tij artistike...

Hapat e karrierës i filloi duke lozur me kitarë. Por, dëshira dhe talenti nuk mjaftonin pa disiplinë në punë.

"Kur fillova te ushtroj në kitarë, natyrisht, dëshirën dhe vullnetin e kisha në maksimum.

Por, për arritjen e qëllimit nuk mjafton vetëm talenti e dëshira. Primare është disiplina në punë, sepse kam lexuar se "Ndërmjet ëndrrës dhe realitetit qëndron disiplina", thotë Naseri, në fillim të bisedës sonë.

Në vitin 1993 ai shkoi në Gjermani. Në atë kohë arti në Kosovë nuk zhvillohej edhe aq, për arsye të gjendjes politike dhe ekonomike.

E, në vitin 2000 u rikthye fuqishëm, duke krijuar këngë të cilat edhe pas 20 vjetësh ende dëgjohen.

KUR U BË NASERI ME ALBUM TË PARË?

"Kur shkova në Gjermani ishte viti 1993. Ishte kohë kur pak a hiq bëhej art, shkaku i situatës politiko-ekonomike në Kosovë. Ndërkaq, e kisha edhe ngarkesën emocionale, meqë u detyrova të largohem nga vendlindja, e interesimi në fillim ishte zero për krijimtari të re.

Kurse, tek pas çlirimit, nga viti 2000 pub-

likova albumin e parë "Jo mos thuaj", ku, ndër shumë këngë të mira, u veçua kënga "Do të doja".

Besoj se ishte albumi më i mirë deri më tash...", thotë Naseri gjatë bisedës sonë. Dhe, pa dyshim, edhe pse kanë kaluar disa dekada, këngët e tij dëgjohen edhe sot... Në pyetjen se si e sheh veten në raport me artistët tjerë, jep këtë përgjigje:

"Diferenca ndërmjet artistëve periodikë apo sezonalë dhe atyre që veprat e tyre dëgjohen me dekada është, pikërisht, vlerat artistike e muzikës që bëjnë.

Disa kanë hite sezonale "eksploduese", të cilët dëgjohen në një periudhë të caktuar kohore, e të tjerë që nuk kanë pasur "eksplozim" në fillim, por dëgjueshmëria e tyre zgjat shumë më shumë sesa një dekadë.

E, në këtë kategori artistësh bëj pjesë edhe unë".

FORMULA SE SI E PËRFITON PUBLIKUN...

Gjithashtu, nuk kishte si të mungojë pyetja: Cila është formula që përdor për t'i fituar zemrat e publikut?

"Ndoshta nuk mund ta shpjegoj formulën ekzakte se cila është, por përmendi disa gjëra, të cilat besoj se kanë luajtur një rol

të rëndësishëm në formimin tim artistik.

Një nga to është zëri specifik, i cili dallohet nga vokalet e tjerë;

Pastaj, mënyra e këndimit, i cili ishte paksa i veçantë deri në atë kohë;

Tekstet, sidomos teksti i këngës "Do të doja", i cili ishte larg para kohës së vet, sidomos nëse llogarisim se këtë këngë, tekstin e së cilës e kisha shkruar në vitin 1992, e bënë edhe më të veçantë se sa na duket sot. Sepse, një tekst i tillë ka qenë rrezik i madh për kohën kur është shkruar.

Mbase, publikimi i kësaj kënge në vitin kur është shkruar do të bojkotohej!

Mbase, edhe do ta shkatërronte karrierën time ende pa filluar!

Por, nuk thuhet kot: "E ardhmja u takon guximtarëve", e kjo vlen në çdo lëmi të jetës".

A DO T'I NXJERRË HITET NË GJUHËN GJERMANE?

"Në Gjermani nuk kam tentuar të bëj karrierë.

Por, mbase një ditë do të marrë guxim dhe këngët hite që i kam ndër vite t'i publikoj edhe në gjuhën gjermane", tha në fund të bisedës sonë, Naser Berisha.

Xheneta Spahiu

J A M B E R

LIFTING

I MENJËHERSHËM

PA DHIMBJE! PA KIRURGJI!




allure.
BEAUTY

+355 69 211 1919
@allurebeauty
Rr. "Reshit Çollaku", Tiranë

Vjehrra ime dashnore e dajës tim!

Vjehrrri nuk e kishte ditur këtë gjë, por kur u takuan vjehrra ime dhe daja im në ceremoninë e fejesës sime, të dy u skuqën në fytyrë dhe u bënë all. Dhe...

Jam vajzë nga Gjakova, 22 vjeçe. Në vitin e fundit të shkollës së mesme e takova Jonin, me të cilin rashë në dashuri në shikim të parë. Ai aso kohe ishte student në Universitetin e Gjakovës. Dhe, me mbarimin e studimeve shkoi në Vjenë të Austrisë në studimet master. Ndërkohë u fejuam, sepse donim që martesja jonë të konkretizohej, të bëhej zyrtare.

SHERR NË SHTËPINË E TË FEJUARIT...

Ama ka plasur në shtëpinë e të fejuarit sherri. Nga një anë më vjen mirë e më vjen të qesh se ajo, vjehrra ime, qytetare e Gjakovës, shitet si më e moralshmeja në

shehër, kurse të dashur kishte pasur dikur dajën tim të madh. Sidoqoftë, s'më duket ndonjë skandal, sepse daja im ka qenë i bukur dhe e ka mashtruar lehtë... Por, skandali ndodhi në ditën e fejesës sime, kur daja im ishte i pranishëm në ndejnë e ceremonisë, e po në të njëjtën ceremoni erdhi edhe vjehrra ime. U skuqen dhe u nxinë ata vetë, por edhe të tjerë që e dinin rastin...

SI E MORI VESH I FEJUARI IM SE NËNËN E KA TË PAMORALSHME?

Thënë të drejtën, mua më pat treguar për këtë rast nëna ime, posa mori vesh se me

kë jam dashuruar. Por, e keqja ndodhi se në ceremoninë e fejesës sonë një gjë të tillë e kuptoi edhe i fejuari im. Mirëpo, e ka nënë dhe s'ka ku ta qoj... Por, nuk e kemi ndërmend të ndahemi dhe as që na shkon mendja... Dhe, pas atij takimi, sa herë që e shoh dajën tim më qeshet, kurse ai më thotë "Të fala vjehrrës!". E, në anën tjetër, kënaqem sa herë që e shoh vjehrrën, sepse shet moral para familjes së vet... Hë, pra, na shajnë neve, të rejave të sotme, që kemi pasur dashnorë para martesë; që rrimë me meshkuj në restorante, e vetë, në kohën e rinisë, i kanë bërë njëmijë të zeza...

Vegimja, Gjakovë

Sa herë ka dashuruar Jonida Maliqi?



Këngëtarja e njohur, Jonida Maliqi, ditë më parë tha se për momentin ndihet e plotësuar dhe e qetë me veten.

Lidhur me dashurinë, artistja tha se ka vendosur të jetë më diskrete, edhe pse më herët ka treguar gjithçka për mediet rozë, por jo vetëm...

“Muzika është dashuria ime e parë, por dhe ekrani më pëlqen. Unë mbetëm tek kategoria e këngëtarëve që muzikën e bëjnë për adhuruesit e tyre. Pra, muzikën e bëj për adhuruesit e mi. Andaj, së shpejt do vij edhe me një këngë solo”, tha këngëtarja, për të vazhduar:

“Në jetë askush nuk mund të jetë i lumtur për një kohë të gjatë. Andaj, kam pasur momente të lumtura, por edhe të trishta.

Por, e rëndësishme është t’i nisësh gjërat me pozitivitet. Sepse, duhet të kesh forcë për t’i përballuar gjërat kur përjeton disfatë...

Dikur gjithçka që kam dashur e kam shprehur dhe nuk e kam vvarë mendjen, por tani, që jam nënë, mendoj të jem më shumë private.

Jeta nuk është vetëm “Instagram”, por e rëndësishme është që unë jam në paqe me veten”.

Ndërkaq, në pyetjen sa herë mund të dashurosh në jetë, Jonida ka dhënë këtë përgjigje:

“Mendoj se mund të dashurosh disa herë në jetë, por më bukur kur je e pjekur”.



For a happier and
wonderful living...



KOMPLEKSI CIMA RESIDENCE

+383 49 509 090 | www.cimaks.com



SOME WISH FOR IT
CHAMPIONS WORK FOR IT

Kohë e keqe...



Kush po shitet i mençur në Kosovë?

Janë disa opinionistë që i shohim çdo natë në debate televizive, të cilët nuk lënë kund pa i futur hundët...

E, sa dinë ata, të mos flasim, sepse janë krejt aut!

Ditën a nuk ditën, disa opinionistë, emrat e të cilëve po i kursejmë dhe nuk po i bëjmë publik, edhe kur s'kanë haber të thonë gjë, nuk lënë askënd të flasë në debate...
E, të tillët po mbjellin frikë në popull, duke proklamuar qysh duan...
Dhe, marrim shembull iniciativën për ndërtimin e tunelit gjashtë kilometra Tetovë-Prizren. Por, si mund të hapet tuneli në territorin e Maqedonisë, kur marrëveshjen s'e bën shteti i Maqedonisë, por Kurti me partitë politike shqiptare të Maqedonisë?!
As nuk ka financim, as nuk ka protokoll, as nënshkrim të ndonjë marrëveshje bilaterale ndërmjet dy

shteteve për investim!
Nga analet e tregimeve të vjetra, të lashta, është një shembull që tregon diçka të ngjashme:
Në një kohë mortaja merrte jetë njerëzish dhe kishte arritur të depëronte edhe në hyrje të një fshati.
Plaku i fshatit, i cili konsiderohej më i mençuri në fshat, i del para mortajës dhe i thotë nëse mund ta falte gjysmën e popullatës në këmbim të dhënies së gjysmës së urtisë së tij.
E, mortaja pajtohet...
Por, mortaja u ra me rend banorëve dhe nuk kurseu askënd...
Plaku i mençur i tha:
"Mori tradhtare, qysh i patëm fjalët!"

A u morëm vesh të shpëtojë gjysma e popullatës?!"
Mortaja ia ktheu:
"Unë i mbyta vetëm gjysmën, ashtu qysh u morëm vesh, por gjysma tjetër vdiqën nga frika!"
Andaj, politikanët aktualë, meqë nuk po bëjnë asgjë, po mundohen, të paktën, me fjalë ta bindin popullatën se po bëjnë diçka...
Po punojnë në stilin e brigadierëve të kohës së regjimit të Enver Hoxhës.
Ata flisnin e kritikonin, por vetë shatin me dorë s'e preknin!
E, ata që punojnë s'kanë nevojë të flasin, se puna tregon vetë...

S. Rama

Contact numbers

 Prishtina, **Kosovo**
+383 45 224 540

 Prizren, **Kosovo**
+383 43 900 902

 Gjilan, **Kosovo**
+383 45 505 043

 Gjakova, **Kosovo**
+383 44 545 444

 Tirana, **Albania**
+355 69 465 55 59

 Durrës, **Albania**
+355 69 465 55 59

 Skopje, **Macedonia**
+389 70 255 581

 Hamburg, **Germany**
+49 176 40497246

 Bochum, **Germany**
+4915 901 352072

 Stuttgart, **Germany**
+4916 097 982 114

 Weil am Rhein, **Germany**
+49 173 1830732

 Olten, **Switzerland**
+41 76 402 85 85

 Brussels, **Belgium**
+32 49 207 50 48

 Sarpsborg, **Norway**
+47 98888845

 Michigan, **USA**
+1 248 677 2342



Jam e martuar, por burrin nuk e dua!

Ajo që ecte para meje më dukej e njohur. Eci pas saj dhe një zë burri i flet kalimthi, e ajo ia kthen me ofendim...

Për çudi, zërin e saj m'u kujtua se dikur, në rininë time, e kisha dëgjuar te parku i qytetit, duke folur me një tjetër për të kaluarën sentimentale të saj.

Unë rrija ulur në një ulëse, e ajo fliste për dashurinë e kaluar dhe mezi gjenin hapësirë ta merrnin rendin cila të flasë e para.

Kjo që ecte para meje i thoshte tjetrës se e kishte pasur një dashuri dhe se ende jetonte për të...

"Jam martuar, por nuk e dua burrin! Jetoj akoma për atë njeri që i kisha dhënë gjithçka që kisha", i thoshte tjetrës në park.

Shoqja e pyeste pse nuk e kishte realizuar dashurinë e madhe dhe ajo arsyetohej se atë njeri e kishin fejuar familja pa dashje.

Në momentin kur ai e kishte kërkuar

për nuse, familja ia kishin gjetur një vajzë tjetër dhe kjo më nuk kishte pasur mundësi të ishte me të.

Në çast, shoqja i ndërhyr në rrëfim, duke i thënë se edhe kjo e kishte pasur të njëjtin fat. Familja e kishin fejuar pa dashje dhe ish-i dashuri i saj e kishte braktisur shtëpinë në shenjë pakënaqësie, por qëndrimi i familjes nuk kishte ndryshuar.

Dhe, tjetra ndërhyr se edhe ish-i dashuri i saj e kishte menduar këtë variant, por kjo nuk kishte pranuar të braktisej familja, pasi aty ishte shenjtëria hyjnore që nuk kompensohej me asgjë.

Dhe, teksa eci pas saj, m'u kujtua konstatimi i Ismail Kadaresë "...në historinë e njerëzimit kurrë askush nuk e ka kritikuar dashurinë".

Andaj, cilado që të jetë kjo zonjë, nuk

mund ta qortosh pse ka dashuruar. Nuk njoh askënd që nuk ka dashur dikë. Nuk njoh dikë që nuk ka vuajtur për dikë.

Burra e gra, e që sot janë prindër e në moshë, të gjithë kanë dashur dikë dhe e dinë çka ishte dashuria...

Andaj, nuk është rastësi që shumica e këngëve popullore i këndojnë dashurisë, luleve, bilbilave e gjërave të bukura.

Nuk ka poet që i përshkruan më bukur se gjuha e popullit ndjesitë e dashurisë...

E dini këngën "Banëm Zot bilbil në mollë, ta shoh Mihanen në këmishë të hollë...".

E, njëjtë është edhe me këngën "Matanë detit, matanë bregut", e të tjera me radhë...

S. Murturi

tourist
CAMPING



Adresa: Shtoj, Ulqin www.touristcamping.me Tel: +38269336233 [/touristcamping_giovannisbeach](https://www.instagram.com/touristcamping_giovannisbeach)



Giovanni's Beach
COPACABANA



Adresa: Shtoj, Ulqin www.touristcamping.me Tel: +38269825858 [/giovannis_beach_montenegro](https://www.instagram.com/giovannis_beach_montenegro)

Pse dashuria e parë nuk harrohet?

Thuhet se dashuria e parë nuk harrohet kurrë. Në të vërtetë, dashuria e parë është një përvojë unike, aq e fuqishme sa mbetet e skalitur në kujtesën tonë tërë jetën. Kjo është demonstruar ndër vite nga studime të ndryshme që kanë matur efektet në tru të rënies në dashuri. Një studim përdori një rezonancë magnetike funksionale, për të zbuluar tek të dashuruarit lëshimin e dozave të mëdha të dopaminës dhe oksitocinës (të quajtur edhe "hormoni i dashurisë"), substanca përgjegjëse për ngarkesën e fortë të energjisë dhe euforisë që ndihet në atë përvojë. Por, kulme shumë të ngjashme hormonale ndodhin edhe kur historia e dashurisë përfundon, duke ndihmuar në ngulitjen e pashlyeshme të kujtesës së saj. Sipas studimeve duhen, mesatarisht, tre muaj për t'u rikuperuar nga thyerja e zemrës, por shumë më gjatë për ta harruar atë. Nëse bëhet fjalë për dashurinë e parë, atëherë, për ta bërë gjithçka edhe më të paharrueshme, është nostalgjia për adoleshencën, periudhë në të cilën shumica e njerëzve përjetojnë historinë e tyre të parë të dashurisë.





Chill Out
• BY THE POOL •


MARITIM
MARINA BAY RESORT & CASINO

Më trego çfarë sy ke, të tregoj kush je!

Përafërsisht 79 për qind e njerëzve në botë kanë sy me ngjyrë kafe, 8-10 për qind kanë sy të kaltër, 5 për qind kanë sy të shkruar dhe vetëm 2 për qind e njerëzve kanë sy jeshil.

SYTË JESHIL

Studimet tregojnë se njerëzit me sy jeshil ose të kaltër mund ta trajtojnë dhimbjen dhe stresin më mirë sesa ata me sy ngjyrë kafe dhe lajthi. E, ata me sy të errët kanë mendime më negative. Njerëzit me sy të gjelbër konsiderohen të jenë krijues dhe të djallëzuar. Sidoqoftë, janë më optimistë për të ardhmen e tyre. Sytë e gjelbër dominojnë në kategori si vendosja e qëllimeve, të qenit

optimistë për të ardhmen dhe të pasionuarit për punën e tyre – njësoj si njerëzit me ngjyrë lajthi.

SYTË NGJYRË KAFE

Njerëzit me sy ngjyrë kafe konsiderohen të besueshëm. Studiuesit zbuluan se njerëzit me sy ngjyrë kafe konsideroheshin inteligjentë dhe të mirë. Për më tepër, njerëzit kanë më shumë besim tek ta. Burrat me sy ngjyrë kafe të çelët kanë më shumë probleme psikiatrike sesa gratë me të njëjtën ngjyrë. Njerëzit me sy ngjyrë kafe preferojnë ta jetojnë jetën në maksimum.

SYTË NGJYRË E KALTËR

Njerëzit me sy të kaltër konsiderohen të mirë, të ëmbël dhe më tërheqës fizikisht. Njerëzit me sy të kaltër konsiderohen shprehës, të dashur dhe të sigurt. Ata, gjithashtu, kënaqen duke provuar gjëra të reja, duke bërë miq të rinj, duke shkruar në aventura dhe

duke u marrë me aktivitete të shëndetshme.

SYTË E ZINJ

Femrat me sy të zinj mund të jenë më pak shoqërore dhe të sigurt sesa meshkujt. Po ashtu, meshkujt me sy të zinj kanë karakter më dinamik. Ata mund të jenë gjaknxehtë, impulsivë dhe shpesh kërkojnë aventura të rrezikshme.

SYTË NGJYRË LAJTHI

Personat me sy ngjyrë lajthi ose të shkruar performojnë mirë nën presion. 50.7 për qind e njerëzve me sy ngjyrë lajthi performuan mirë nën stres dhe presion. Ata ishin, gjithashtu, më të apasionuar pas punëve të tyre. Sidoqoftë, njerëzit me sy ngjyrë lajthi dhe sy jeshilë konsiderohen më tërheqës për burrat dhe për gratë, pavarësisht stereotipit për sytë blu.



DENTFIX

ORDINANCA STOMATOLOGIJE

MAGJISTARJA

lindjavdekja@hotmail.com



Për hapje të fatit, për strese, sëmundje depresive, për forcim të bashkëshortësisë, për largim të magjive, për ecje të mbarë të biznesit, për rritje të vetëbesimit dhe për sugjerime e ndihmë me barëra popullore, por edhe për gjithçka për jetë të lumtur

kontaktoni në këtë email adresë:

lindjavdekja@hotmail.com

A do ta marr vajzën që ma mori burri?

Përshëndetje, zonja magjistare! Jam nënë, 28-vjeçare. Kam një fëmijë me martesën që përfundoi para katër vjetësh.

Burri e ka vajzën tonë pesë vjeçe dhe vetëm ndonjëherë më lejon ta shoh, sipas preferencave të qendrës sociale. Por, jam ankuar në gjyq, sepse unë besoj se ajo më takon mua si nënë, e jo babait të vet. Megjithatë, i patëm disa seanca, por gjyqi nuk po merr vendim akoma.

Çka do të ndodhë me vajzën, meqë e di se ajo po vuan për mua ashtu sikur edhe unë për të?

“Nëna e përlotur”

Përgjigje:

Sipas normalitetit jetësor, gjetetik e biologjik, fëmija do të duhej t’u takonte juve, do të thotë nënës.

Urtia popullore thotë se “fëmija mbetet jetim pa nënë e jo pa babë”.

Dhe, mbi këtë urti nuk mund të shkel askush me përbuzje, sepse ky është realiteti.

Nuk do të kujdesej askush tjetër për fëmijën si nëna e vet...

Babai është mysafir dhe ka obligime për mbajtjen e familjes, andaj fëmijën tënd, pa dyshim, e rritë gjyshja, edhe atë nëse e ka, apo njerka, që është vështirë për të...

Shtrohet pyetja: Pse fëmija të rritet pa nënë kur e ka nënën? E, zvarritjet e tilla të gjyqësorit e komplikojnë edhe më shumë rastin, meqë burrit i japin njëfarë besimi se atij i takon fëmija. Përveç anës juridike, kjo mospzgjdhje e problemit nga gjyqtari ka edhe anën e vet të mëkatit, që bën ai ndaj një fëmije që duhet t’i takojë nënës së vet nëse është e aftë psikikisht dhe fizikisht.

Nëna e ka bartur në bark për nëntë muaj dhe askush nuk është më biologjike se ajo ndaj fëmijë së vet, në këtë rast ti ndaj vajzës tënde.

E, te ju gjërat kanë rrjedhur me inatë e jo me drejtësi, sepse ndarja juaj e ka mllëfosur ish-burrin, i cili tash provokon ndjenjat tua prej nëne përmes vajzës. Sidoqoftë, nuk ka mundësi babai ta dojë fëmijën më shumë se nëna...

Megjithatë, një fëmijë i rritur pa nënë do të ishte një rast social,

karshi fëmijës i rritur pa baba. Pra, vajza u takon juve. Ti ke të drejta biologjike ndaj vajzës dhe kjo punë nuk do koment.

Çka po ndodhë me të fejuarin, a do të martohe mi dhe kur?

Jam 29-vjeçare, jetoj në Pejë, me fakultet të kryer. Jam e fejuar me personin që kam pritur se do martohe mi vitin e shkuar, por arsye tohej se nuk i ka kushtet.

Kjo më shtyn të dyshoj se diçka nuk është duke shkuar mirë mes nesh.

A do të heqë dorë prej meje i fejuari im?

“Pejania”

Përgjigje:

Pa marrë parasysh çka mendoj unë, ti do të duhej të kërkoje nga i fejuari yt definim të qëndrimit të tij ndaj teje, sepse shoh se ai do të tërhiqet dhe po jep sinjale se nuk është diç në rregull.

Por, më së miri është të bisedoni hapur për mundësinë apo pamundësinë e martesës dhe me kohë të sqaroni qëndrimet tuaja. Ajo që unë shoh është se i fejuari di për lidhen tënde të parë dhe ka dyshime se ti akoma kontakton me atë person, i cili edhe ndodhet në kolektivin tënd të punës.

Pse jam pa disponim?

Jam zonjë, 40 vjeçe. I kam tre fëmijë. Nuk jam për momentin duke punuar, edhe pse e kam kryer fakultetin.

Kohëve të fundit po ndihem keq, sepse po ndjehem shumë pa disponim!

Çka po ndodhë me mua?

Të lutem, mos m'i publiko të dhënat plotësuese...

"E shtresuara nga Gjilani"

Përgjigje:

Kjo që ke treguar ka të bëjë me degradimin e aktivitetit tënd fizik dhe me ndjenjën se ke mbetur pa vlera dinamike.

Nëse e merr këtë gjë kështu, do bëje gabimin më të madh. Sepse, ti ke krijuar familje dhe fëmijët janë në pozita të ngritjes shkollore, e krejt kjo do të duhej të ishte një stimulues shpirtëror për ty që të bësh përpjekje për familjen.

Por, ka edhe diç që i ka shërbyer për të keq kësaj gjendjeje, sepse në vendin ku ke punuar ka qenë i adhuruari yt, të cilin është mësuar syri ta sheh çdo ditë, e kjo mungesë tani ka bërë që t'u mungojë. E, kjo është si një re e mbushur me shi, por që shkar-kohet mbi tokë për mes stuhisë dhe breshrit. Kujdes: mos kaloni në gjendje të turbullt, duke i bërë pyetje vetes, sepse rrugën e keni të qartë nga duhet të shkoni. Andaj, nuk duhet të ketë vend dëshpërimi në shpirtin tuaj...

Kam frikë të rri vetëm!

Jam 65-vjeçare, i kam katër fëmijë, jetoj në Zvicër. Burri më ka vdekur para tre vjetësh. Kam mbetur e vetmuar.

Dua të jetoj dhe të vdes këtu ku më la burri, me të cilin i lindëm dhe rritëm fëmijët tanë, e ku krijuam pasurinë tonë.

Po mundohen mbesat të rrinë me mua, por edhe ato i kanë punët e veta e nuk dua të jem pengesë për askënd.

Sidoqoftë, ka tre muaj që e kam një frikë në momente të caktu-

ara. Kur më shkon mendja te disa gjëra të këqija, ndihem se po kaloj në frikë.

Si ta kaloj këtë gjendje, zonjë e nderuar?

"Gruaja pa burrë nga Zvicra"

Përgjigje:

Të përmendurit e Allahut xh. h. është prej rëndësisë së parë dhe themelore për të jetuar njeriu pa frikë.

E kam fjalën në pikëpamjen e moshës kur njeriu afrohet më afër viteve të moshuara, e që e mendon vdekjen.

Dhe, duke qenë e lidhur me Zotin e madhërishtëm, njeriu përjash-ton nga shpirti frikën, xhelozinë, haramin dhe i ofron të mirat që janë pjesë përbërëse e parajsës. Muhamedi a. s. ka thënë: "A doni t'u tregoj për veprën më të mirë, më të dashur te Allahu, me të cilën fiton shpërblimet më të larta te Ai...". Dhe, kur ata që e dëgjonin i thanë po, Muhamedi a. s. tha: "Të përmendurit e Allahut", (Dhikri 1).

Pra, të bësh namaz, sepse duke qenë në atë pozitë përfiton lidhjen më të ndritshme me Allahun xh. h., por fiton edhe sigurinë dhe vetëbesimin.

Dhe, kur i ke këto elemente, e kupton se njeriu, ashtu sikur vjen si një dhuratë në botën e dritës, dorëzohet në ditën e fundit të jetës te Ai që e solli në jetë.

Të përmendurit e Allahut është lidhje me të vërtetën dhe besimin dhe këtu fisnikërohet shpirti me elementin, që kohës sonë po i mungon në masë të madhe. Sepse, për të qenë besimtar i vërtetë duhen përmbushur shtyllat islame dhe secila shtyllë i ka elementet e veta, të cilat përbëjnë

PËR LEXUESIT E DIASPORËS

Pyetjet tuaja dërgoni me postë në adresën: "Kosovarja", fahu postal 18, 10 000, Prishtinë, Kosovë.

personalitetin.

E, për ata që e duan Zotin e madhërishtëm, të gjitha obligimet e tilla janë të lehta.

Pra, për ata që janë të drejtë, nuk ka më lehtë se të përmbahesh në këto pikëpamje.

Për ata që nuk e duan haramin, nuk ka më lehtë se ta duash tënden dhe mos ta pranosh të huajën. E, kështu me radhë...

Si e sheh të ardhmen time pranë burrit?

Jam 33-vjeçare, jetoj në Prishtinë.

Një kohë kam jetuar në Perëndim, por nuk kam mundur të bëj jetë atje, andaj jam kthyer në vendlindje.

Jam martuar në vitin 2000.

Dua të di: Si do të jetë jeta ime dhe ku gabova që jeta nuk po më shkon si dua?

"Merita"

Përgjigje:

Nuk ju shoh pranë burrit me të cilin jeton tash.


Je martuar me të pa e shëruar plagën nga ndarja me burrin që e ke pasur në Gjermani.

Prandaj, gabimi qëndron mu aty se, të paktën, edhe dy vjet nuk është dashur të ishe martuar.

Të martohesh me një burrë, duke e pasur mendjen te tjetri, është krim më vete, sepse nuk e bën të lumtur as burrin as veten.

Andaj, nuk ju shoh bashkë.

Shoh se së shpejti do të ndaheni.



Contact- Reception - +38260008002
tel. +38269610003 +38269607865
hotel.continental.ulcinj@gmail.com

 /hotel_continental_ulcinj



SHERWOOD
Resorts and Hotels



GREENWOOD
Resorts and Hotels



feel the legend

SHERWOOD
exclusive Kemer

SHERWOOD
exclusive Lara

SHERWOOD
Dreams Resort



SHERWOOD
Premia Hotel

GREENWOOD
Kemer Resort

GREENWOOD
Suites Resort

www.sherwoodhotels.com.tr